

Lub Tsib Hlis, Tim 14, 2025

Lub chaw Department of Developmental Services (Lub Chaw Tuav Dej Num Saib Xyuas Cov Kev Pab Uas Muaj Rau Cov Neeg Uas Muaj Teeb Meem Rau Ntawm Txoj Kev Loj Hlob) hais txog:

Yuav Tsum Muaj Kev Tiv Thaiv Kom Lwm Tus Neeg Tsis Txhob Paub Txog Tus Neeg Siv Kev Pab

D-2025-Case Management-007

Dab Tsi Yog Tej Yam Uas Yuav Tsum Tau Paub

Ntawm no yog ib cov lus ceeb toom rau cov chaw pab neeg xiam oob qhab nyob hauv tej cheeb tsam thiab cov neeg npaj kev pab hais txog kev tiv thaiv cov ntaub ntawv los sis lus uas qhia txog cov tib neeg nyob rau ntawm txhua lub chaw. Txoj cai uas siv tam sim no yeej yuav tsum kom cov chaw RCs thiab cov neeg npaj kev pab tsis txhob pub ib tus neeg twg uas tsis muaj cai mus saib tau mus saib ib tus neeg cov ntaub ntawv khaws tseg, thiab tsis txhob pub neeg mus rau ntawm cov chaw tsis pub neeg paub uas tus neeg tau mus xyuas.

Hauv qab no yog cov lus qhia txog cov ntaub ntawv thiab cov chaw uas yuav tsum tau tiv thaiv kom neeg tsis txhob paub los sis nkag tau mus saib thiab qhov hais tias saib yuav txwv zoo li cas thaum muaj neeg xav paub txog los sis xav nkag mus saib.

Cov ntaub ntawv uas muaj kev tiv thaiv yog cov ntaub ntawv zoo li cas:

Cov Ntaub Ntawv: Yog ib tus neeg thov mus saib ib tus tib neeg cov ntaub ntawv khaws tseg, tus tib neeg yuav tsum tau muaj ib tsab ntawv tso lus kom pub muab lawv cov ntaub ntawv qhia tau rau lwm tus neeg.

Cov chaw pab neeg xiam oob qhab nyob hauv tej cheeb tsam thiab cov neeg npaj kev pab yuav tsum muaj ib tus neeg tsab ntawv tso lus ua ntej lawv yuav muab tus neeg ntawd cov ntaub ntawv qhia txog tus kheej qhia tau rau lwm tus neeg, tshwj hais tias nws yeej muaj ib txoj cai uas pub muab qhia tau. Cov ua piv txwv ntawm kev pub muab cov ntaub ntawv qhia tau rau lwm tus neeg yog thaum yuav muab siv rau cov hom phiaj ntawm kev kho mob, kev them nqi, los sis kev khiav hauj lwm rau kev kho mob, los sis thaum txoj cai yeej yuav tsum kom muab cov ntaub ntawv tso tawm.

Muaj tej lub sij hawm peb yeej muab ib tus neeg tsab ntawv tso lus kom pub muab cov ntaub ntawv tso tawm hu ua "kev tso cai." Tsab ntawv yuav tsum tau qhia hais tias saib cov ntaub ntawv los sis cov lus twg yog cov uas yuav muab tso tau tawm, yuav muab

tso tau tawm mus rau leej twg, thiab yuav muab tso tau tawm mus rau lub hom phiaj dab tsi. Ib tus tib neeg yeej muaj cai los mus hais tias "tsis pub tso tawm" uas yeej tsis muaj qhov ntshai hais tias yuav muaj neeg yuam los sis yuav muaj neeg ua phem pauj rov qab. Ib tus tib neeg yeej muaj cai pauv lub siab thiab yeej muaj cai los mus muab lawv tsab ntawv tso cai thim rov qab.

Cov Chaws: Yog ib tus neeg uas yeej ib txwm tsis niaj hnuv mus xyuas ib tus neeg cia li thov nkag mus rau hauv ib lub chaw tsis xav kom neeg paub uas tus neeg siv kev pab tab tom mus xyuas, koj yuav tsum tsis txhob pub tus neeg nkag mus yog koj tsis paub tej yam txog tus neeg uas tuaj xyuas ntawd thiab nug koj tus kws lij choj los sis cov neeg saib xyuas lub chaw ntawd saib tus neeg tuaj xyuas cov lus thov puas yog ib cov lus uas thov raws txoj cai.

Cov ntaub ntawv los sis lus uas yuav tsum tau paub yeej yog suav: 1) lub npe thiab lub xeem, 2) lub chaw tuav dej num los sis lub koom haum; 3) ib yam ntaub ntawv uas qhia hais tias tus neeg yog leej twg (piv txwv li, daim npav ua tub ceev xwm, daim ntawv muaj npe thiab xov tooj uas siv rau kev khiav hauj lwm); thiab 4) cov ntaub ntawv raws txoj cai uas tus neeg ntawm no hais tias yeej pub nws nkag mus rau hauv lub chaw ntawd. Kev txheeb xyuas raws txoj cai yeej yog txhais hais tias yog ib lub chaw pab neeg xiam oob qhab nyob hauv tej cheeb tsam tus kws lij choj thiab rau cov neeg npaj kev pab, nws yog ib tus kws lij choj los sis ib tus neeg saib xyuas hauj lwm.

Yuav ua li cas los mus txwv tsis pub nkag mus: Yog ib lub chaw pab neeg xiam oob qhab nyob hauv tej cheeb tsam los sis ib tus neeg npaj kev pab yeej txiav txim hais tias yuav tsis pub ib tus neeg nkag mus, lawv cov neeg ua hauj lwm yeej tau mus kawm tag lawm hais tias saib lawv yuav txwv li cas es tus neeg tuaj xyuas ntawd thiaj li yuav nkag tsis tau mus saib.

Puas Muaj Dab Tsi Pauv

Yeej tsis muaj dab tsi pauv li. Ntawm no yog ib cov lus ceeb toom rau cov chaw pab neeg xiam oob qhab nyob hauv tej cheeb tsam thiab cov neeg npaj kev pab hais tias lawv yuav tsum tau tiv thiav ib tus tib neeg cov ntaub ntawv kom cov tib neeg uas lawv tsis muaj cai raws txoj cai tsis txhob nkag tau mus saib.

Mus Kawm Kom Paub Ntau Tshaj Qhov No

Yog xav paub ntau tshaj qhov no, thov nias qhov link ntawm no: [Department of Developmental Services \(Lub Chaw Tuav Dej Num Saib Xyuas Cov Kev Pab Uas Muaj Rau Cov Neeg Muaj Teeb Meem Rau Ntawm Txoj Kev Loj Hlob\) Client Protection Directive \(Lus Qhia Kev Tiv Thaiv Cov Neeg Siv Kev Pab\)](#)

Yog muaj ib nqis lus nug los sis xav paub hais tias saib cov lub teb hais txog txoj kev tiv thaiv kom lwm tus neeg tsis txhob paub txog ib tus neeg siv kev pab yog teb ua yam ntaub ntawv zoo li cas, thov nias qhov link ntawm no: [Privacy Protection Fact Sheet \(Phab Ntawv Teev Cov Lus Qhia Qhov Tseeb Hais Txog Kev Tiv Thaiv Kom Lwm Tus Neeg Tsis Txhob Paub Txog Ib Tus Neeg\)](#).